



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt VIII. a Idem.

[urn:nbn:de:hbz:466:1-74544](#)

NOTÆ.

- I. ^a **I**dem.] Ita etiam legitur in prima collectio-
ne *sub hoc tit. cap. 9.* nullibi tamen exprimuntur, cui rescribat Alex. sed credo etiam spectare textum hunc ad ipsius Pontificis Decretalem

relatam *in cap. 1. hoc tit.* Illud tamum in praesenti deciditur, excommunicationem canonis *Si quis suadente, etiam incurri ex percussione occulta, & absolutionem ipsius excommunicationis Romano Pontifici reservari, licet hodie, ut viter talis percussor clerici, debeat esse notiorius post extravagantem Adevitanda.*

CAPVT VIII.

^a Idem.

Nullibi se possunt privilegio Ap. tueri, quominus ^b excommunicatos vitare debant, & pro violenta manuum injectione in clericos, sicut excommunicati vitari.

NOTÆ.

- I. ^a **I**dem.] Ita etiam legitur *in cap. 10. hoc tit. in 1. collect.* ubi additur *pars capituli Significasti*: sed ut notavit Antonius Augustinus, non reperitur integra epistola in aliquo capite *Significasti*: quare credebam legendum esse, *pars capituli Sicuit*; & ita textum hunc spectare ad Decreta-

lem Alex. III. relatam *in d. cap. 1. & sequent.* ^b *Excommunicatos vitari.*] Non quia Pontifex tale privilegium communicandi impune cum excommunicatis concedere nequeat, quia cum haec prohibito sit iuris positivi, ut dicimus infra *in cap. significavit, recte potest privilegio tolli, ut probat Balboa in cap. 2. de except.* Avendanno de metu lib. 2. cap. 31. num. 28.

CAPVT IX.

^a Idem Episcopis, & aliis Prælatis per Galliam constitutis.

Proochianos vestros, si qui in monachos, vel conversos præfati Ordinis violentas manus injecerunt, sublatio appellationis remedio, secundum tenorem generalis decreti excommunicatos publicè nuntietis, ipsosque faciat sicut excommunicatos arctius evitari, donec ^b laesis congrue satisfiant, & cum literis vestris Apostolico se conspectui repræsentent.

NOTÆ.

- I. ^a **I**dem.] Ita etiam legitur in prima collectio-
ne *sub hoc tit. cap. 14. & post Concil. La-
teran. p. 14. cap. 11.* nec amplius exprimitur: credo autem etiam textum hunc spectare ad Decretalem relatam *in cap. 1. hoc tit.*
2. ^b *Læsis*] Certum est, ad affsequendam absolu-
tionem ob crimen admissum desiderari satisfactio-
nem parti laese factam, *cap. 2. hoc tit. in 6.* probant latè Riccius *de jure person. lib. 4. cap. ult.* Gibalin. *de censur. disquisit. 9. q. 4. num. 6.* Guttier-
rez *qq. canon. cap. 5. num. 29.* Illud in praesenti

difficile videtur, quomodo videlicet in praesenti casu ob injuriam illatam monachis, seu canoni-
cis regularibus, ipsi conqueri possint, cum certum
sit, monachos ob injuriam sibi illatam agere
non posse, sed tantum monasterium, exemplo
Patris familias, ob injuriam filio irrogatum, *t. f.
unius. §. filio familias, ff. de. injuriis.* Sed respon-
dendum est, Alexandrum in praesenti dum docet
laesis congrua satisfactionem esse præstandam,
accipendum esse de satisfactione præstanda mo-
nachis, mediante ipso monasterio, vel eius syn-
dico ut docuit Balboa *in cap. causam 9. num. 10.*
de judiciis.

CAPUT X.

Idem ^a Ianuense Episcopo.

EX tenore literarum tuarum nobis innotuit, quod B. Canonicus sancta Maria de ^b vineis, in quandam subdiaconum manus injecta violentas, &c. Et infra: Mandamus itaque f. t. quat. recepto ab eo Canonicorum juramento, quod tuo debeat mandato parere, ipsum vice nostrâ à sententia, quâ tenetur, absolvias, sibique in virtute juramenti præcipias, quod de cætero in clericum, monachum, hospitalarium, vel aliqui Religionis conversum manus non injiciat violentas, nisi se c. defendendo, aut de mandato fecerit suorum Prælatorum, vel nisi super eum prælationis ministerium, aut magisterium habeat, aut cum ipso socius fuerit in eadem Ecclesia.

NOTÆ.